

Europeada: squadra ladina

Pra i Campiunac d'Europa de juech al palé per mendranzes de rujeneda fajerà chëst ann per l prim iede nce pea na squadra ladina

Sport y mendranzes - L Istitut Ladin Micurà de Rü che cumpanierà la squadra interladina à nvià i cunlauradëures di media n dumënia ai 10 de juni ala prejentazion dala 14.00 se si sënta a San Martin de Tor.

L turnoi de juech al palé Europeada unirà jugà dai 16 ai 24 de juni a Lausitz ti Paejes Tudësc. Tl tēmp che l unirà rujenà truep di campiunac dl'Europa di prufesciunisć, uel la mendranzes autoctones dla FUEV se lascé audì tres si turnoi. Pra la segunda edizion dl'Europeada fajerà nce pea na selezion dla valedes ladines dla

Dolomites. Jugadëures, alenadëur y cumpaniadëures dla squadra ladina vën prejentei n dumënia ai 10 de juni dala 14.00 tla sënta dl Istitut Ladin a San Martin de Tor. L Istitut Micurà de Rü prejenterà si cunzet de prejentazion dla mendranza ladina ntan i campiunac. Dopro uniràl tenì n alenamēnt pra la plaza dal palé a S. Martin. Pra la prejentazion dla squadra sarà nce prejēnc l assessëur provinziel ladin Florian Mussner, l cuordinadëur dla squadra ladina Giorgio Costabiei y l presidēt y l diretëur dl Istitut Ladin Albert Videsott y Leander Moroder. *(usp)*